

Djan, Lisa, Françwès èt mi

(texte et musique : Jean-Pierre Clovin)

A dîj-ans, Djan voleut dès-oûs ;
à quénze ans, i voleut dès liârds ;
c'est-insi qu'il èst toudis soû...
Mins c'est li qu' m'a doné à bwâre
quand l'estè m'a fét awè swè. (bis)
C'est li qui m'a doné à bwâre
quand l'estè m'a fét awè swè :
faut nén v'ni m' dîre qui cès djins-là
n'ont jamés rén fét d' bon d' leû vîye !

Lisa n' conn'cheut nén sès-èfants,
mins èle a conu bran.mint d' lits !
Tous lès djoûs, èle candjeut d'galant !
Mins èle m'a doné à lodjî
quand les meurs di m' maujo ont tcheû. (bis)
Mins èle m'a doné à lodjî
quand les meurs di m' maujo ont tcheû :
faut nén v'ni m' dîre qui cès djins-là
n'ont jamés rén fét d' bon d' leû vîye !

Françwès s'a chèrvu d'in briquèt
pou foute èl' feu à l' maujo di s' patron...
Didins s' prîjon, gn-a pont d' tikwè.
Mins i m'a doné du tchèrbon
quand l'iviêr m'a fét triyanér. (bis)
Mins i m'a doné du tchèrbon
quand l'iviêr m'a fét triyanér :
faut nén v'ni m' dîre qui cès djins-là
n'ont jamés rén fét d' bon d' leû vîye !

Em' boune action, au rèvèyon,
ça s'ra d' fé pléji à Françwès :
dji m' va l' fé vûdî d'ès' prîjon...
Li, Djan, Lisa âront d'èl' jwè
quand dji leû tchant'rai dès tchansons. (bis)